

春秋左傳杜注

春秋左傳杜注卷第四

華亭姚培謙學

閔公

名啓方莊公之子母叔姜史記云名開謚法在國遭難曰閔

經元年春王正月○齊人救邢○夏六月辛酉葬

我君莊公○秋八月公及齊侯盟于落姑

落姑齊地在今山東宛

州府東平州平陰縣界

季子來歸

季子公子友之字季子忠於社稷為國人所忠故賢而字之齊侯許納故曰歸

○冬

齊仲孫來

仲孫齊大夫以事出疆因來省難非齊侯命故不稱使也還使齊侯務軍魯亂故嘉而字之來者事實省難其志也故

經但書仲孫之來而傳尋仲孫之志

傳元年春不書即位亂故也

國亂不得成禮○朱子曰公即位要必當時別有即位禮數不

書即位者此
禮不備故也

○狄人伐邢

狄伐邢在
往年冬

管敬仲言於齊侯曰戎狄豺

狼不可厭也

敬仲管夷吾
○厭平聲

諸夏親暱不可弃也

諸夏中國
也暱近也

宴安酖毒不可懷也

以宴安比
之酖毒

詩云豈不懷歸畏此

簡書

詩小雅也文王為西伯勞來
諸侯之詩○勞來並去聲

簡書同惡相恤之謂也

同恤

所請救邢以從簡書齊人救邢

○夏六月葬莊公亂故是以緩

十一月
乃葬

○秋八月公及齊侯盟于落姑請復季友也

閔公初
立國家

多難以季子忠賢
故請霸主而復之

齊侯許之使召諸陳公次于郎以待

之非師旅之事
故不書次

季子來歸嘉之也

○吳氏澂曰此時慶父秉外權哀姜為內主蓋惟恐季友之歸

閔公九歲爾孰能奉之出會霸主而為國計者必魯之世臣有不當權而忠
于國能如衛之石碚深謀秘計告于霸主請復季友故桓公以霸令召閔公
至齊地而與之盟使若復季友之意出于齊而不出于魯故盟以要其信而
使魯復之既盟之後桓公使召諸陳而閔公次于郎以待之若不敢背伯主
之盟而使季友得以歸魯者季友以伯主之重則慶父不敢去之矣卓氏爾
康曰以經傳推之時陳方為齊所厚且與魯交好季友又嘗一再如陳其出
奔陳蓋有所託然則落姑之盟亦季友援陳人以請于齊桓耳

○冬齊仲孫湫來省難

秋仲孫名湫子小反

書曰仲孫亦嘉之

也仲孫歸曰不去慶父魯難未已

時慶父亦還魯

公曰若之

何而去之對曰難不已將自斃

斃路也

君其待之公曰

魯可取乎對曰不可猶秉周禮周禮所以本也臣

聞之國將亡本必先顛而後枝葉從之魯不奔周

禮未可動也君其務寧魯難而親之親有禮因重

固

能重能固則當就成之

閒攜貳

離而相疑者則當因而閒之

覆昏亂

覆敗也。覆芳服反。

霸王

之器也

霸王所用故以器為喻。王去聲。

○晉侯作二軍

晉本一軍見莊十六年

公將上軍太子申生將下

軍趙夙御戎畢萬為右

為公御右也夙趙衰兄畢萬魏犢祖父。犢尺由反。

以滅耿滅

霍滅魏

平陽皮氏縣東南有耿鄉永安縣東北有霍大山三國皆姬姓。今河津縣東南有古耿城一名耿鄉城霍州西十六里有霍

城古霍國也俱屬山西平陽府

還為太子城曲沃賜趙夙耿賜畢萬魏

以為大夫士薦曰太子不得立矣分之都城而位

以卿先爲之極。又焉得立。

位以卿謂將下軍

不如逃之。無使

罪至。爲吳大伯。不亦可乎。

大伯周大王之適子。知其父欲立季歷。故讓位而適吳。

猶有

令名。與其及也。

言雖去猶有令名。勝於留而及禍。

且諺曰。心苟無瑕。何恤

乎無家。天若祚天子。其無晉乎。

為晉殺申生。傳祚在路反。

卜偃曰。

畢萬之後必大。

卜偃晉掌大夫。

萬盈數也。魏大名也。

魏即魏本字。

孔疏論語云。巍巍乎其有成功。是魏為高大之名。

以是始賞。天啟之矣。天子曰兆

民。諸侯曰萬民。今名之大。以從盈數。其必有衆。

魏以

從萬有衆象。

初畢萬筮仕於晉。遇屯三三。

震下坎上屯。屯張倫反。

之比三

三坤下坎上比屯初九變三而為比。比毗志反。

辛廖占之曰吉。

辛廖晉大夫。廖方彫反。

屯固比

入吉孰大焉其必蕃昌

屯險難所以為堅固比親密所以得入

震為土

震變為坤

車從馬

震為車坤為馬

足居之

震為足

兄長之

震為長男

母覆之

坤為母

衆歸

之

坤為衆

六體不易

初一爻變有此六義不可易也

合而能固安而能殺公

侯之卦也

比合也固坤安震殺故曰公侯之卦。孔疏震之為殺傳無明文。晉語云震車也車有威武昭二十五年傳云為刑罰威獄以

類其震曜殺戮是震為威武殺戮之意也

公侯之子孫必復其始

畢萬公高之後傳為魏之子孫衆多張本

經二年春王正月齊人遷陽

無傳陽國名蓋齊人僭徙之。今山東青州府沂水縣南有陽

都城即陽國也

○夏五月乙酉吉禘于莊公

三年喪畢致新死者之主於廟廟之遠主當遷

入祧因是大祭以審昭穆謂之禘莊公喪制未闕時別立廟廟成而吉祭又不於大廟故詳書以示譏。胡傳于莊公者方祀于寢非宮廟也。○

秋八月辛丑公薨

實弒書薨又不地者皆史策諱之

○九月夫人姜氏孫

于邾

哀姜外淫故孫稱姜氏。孫音遜。

○公子慶父出奔莒

弑閔公故

○冬齊

高子來盟

無傳蓋高侯也齊侯使來平魯亂僖公新立因遂結盟故不稱使也魯人貴之故不書名子男子之美稱

○十

有二月狄入衛

書入不能有其地例在襄十三年

○鄭弃其師

高克見惡久不得還師潰而克

奔陳故克狀其事以告魯也

傳二年春虢公敗犬戎于渭汭

犬戎西戎別在中國者渭水出隴西東入河水之隈曲曰

汭。隈。烏回反

舟之僑曰無德而祿殃也殃將至矣遂奔晉

舟之僑號大夫

○夏吉禘于莊公速也

○李氏廉曰三傳皆知喪禘之失禮而不知魯本不當禘程氏胡氏能發明魯

禘之非禮而不知禘本無合會惟趙子深得之而朱子取以釋論語又按趙子曰此禘于莊公蓋用禘祭禮物耳

○初公傳奪卜齋田公不禁

卜齋魯大夫也公即位年八歲知愛其傳而遂成其意以奪齋

田齋忿其傳井及公故

慶父因之○齋魚齋反

秋八月辛丑共仲使卜齋賊公于

武闡

宮中小門謂之闡

成季以僖公適邾

僖公聞公庶兄成風之子

共仲奔莒

乃入立之以賂求共仲于莒莒人歸之及密使公

子魚請

密魯地琅邪費縣北有密如亭公子魚奚斯也

不許哭而往共仲曰奚斯

之聲也乃縊

慶父之罪雖重季子推親親之恩欲同之叔牙存孟氏之族故略其罪不書殺又不書卒○張氏洽曰慶父與

哀姜謀弑閔公欲自立而不遂此魯國秉禮之驗也方季友適邾之時使魯國無人安能逐姜氏慶父哉季友既立僖則當正慶父之罪致辟于甸大以

致兩弑其君之討乃以賂求于莒不許其入而已又立孟氏與叔牙同無復輕重之別豈非邦憲之大失與

閔公哀姜之

娣叔姜之子也故齊人立之共仲通於哀姜哀姜

欲立之閔公之死也哀姜與知之故孫于邾齊人

取而殺之于夷以其尸歸

為僖元年齊人殺哀姜傳夷魯地○與音預

僖公請

而葬之

哀姜之罪已重而僖公請其喪還者外欲固齊以居厚內存母子不絕之義為國家之大計

○成季之將生也桓公使卜楚邱之父卜之

卜楚邱魯掌卜

夫曰男也其名曰友在公之右

在右言用事

閒于兩社為

公室輔

兩社周社亳社兩社之間朝廷執政所在

季氏亡則魯不昌又筮之遇

大有三三

乾下離上大有

之乾三三

乾下乾上乾大有六五變而為乾

曰同復于父

敬如君所

筮者之辭也乾為君父離變為乾故曰同復于父見敬與君同○孔疏離是乾子還變為乾故云同復于父言其尊與父

同也國人敬之其敬如君之處所言其貴與君同也

及生有文在其手曰友遂以命之

遂以
為名

○冬十二月狄人伐衛衛懿公好鶴鶴有乘軒者

軒大夫車○
車有簾曰軒

將戰國人受甲者皆曰使鶴鶴實有祿位

余焉能戰公與石祁子玟與甯莊子矢使守

莊子甯
速也玟

玟○玟古六反
守去聲下告守同

曰以此贊國擇利而為之

贊助也玟示以當
決斷失示以繼繼與

夫人繡衣曰聽於二子

取其文
章順序

渠孔御戎子伯為右

黃夷前驅孔嬰齊殿

傳言衛侯失民有素雖臨事
而戒猶無所及○殿丁練反

及狄人戰

于榮澤衛師敗績遂滅衛

此榮澤當在河北君死國撤經不書
滅者狄不能赴衛之君臣皆盡無復

文告齊桓為之告諸侯言狄已去言衛之存故但以入為文○孔疏禹貢豫
州榮波既豬導沈水入于河溢為榮是榮在河南此時衛都河北為狄所敗

乃東徙渡河故知此禁澤當在河北但沁水入河乃洪被河南多故專得禁名其北雖少亦稱禁也

衛侯不去其旗是

以甚敗

去聲

狄人囚史華龍滑與禮孔以逐衛人

華去聲

二人曰我大史也實掌其祭不先國不可得也

夷狄畏鬼

故恐言當先白神

乃先之至則告守曰不可待也

守石甯二大夫

夜與

國人出狄入衛遂從之又敗諸河

衛將東走渡河狄復逐而敗之

初惠

公之即位也少

蓋年十五六

齊人使昭伯烝於宣姜不可

強之

昭伯惠公庶兄宣公子頑也昭伯不可

生齊子戴公文公宋桓夫人

許穆夫人文公爲衛之多患也先適齊及敗宋桓

公逆諸河

迎衛敗衆

宵濟

夜渡畏狄

衛之遺民男女七百有三

十人益之以共滕之民爲五千人

共及滕衛別邑。共音恭。

立戴公

以廬于曹

廬舍也曹衛下邑戴公名申立其年卒而立文公。曹詩作漕在河南今直隸大名府滑縣南二十里白馬故城是也。

許穆夫人賦載馳

載馳詩衛風也許穆夫人痛衛之亡思歸唁之不可故作詩以言志。

齊侯使

公子無虧帥車三百乘甲士三千人以戍曹

無虧齊桓公子

武孟也車甲之賦異於常故傳別見之。

歸公乘馬祭服五稱牛羊豕雞狗皆

三百與門材

歸遺也四馬曰乘衣單複具曰稱門材使先立門戶。乘稱並去聲。

歸夫人魚軒

魚軒

夫人車以魚皮爲飾。

重錦三十兩

重錦錦之熟細者以二丈雙行故曰兩三十兩三十四匹也。兩去聲。

○鄭人惡高克使帥師次于河上久而弗召師潰

而歸高克奔陳

高克鄭大夫也好利而不顧其君文公惡之而不能遠故使帥師而不召。

鄭人爲之

賦清人

清人詩鄭風也刺文公退臣不以道危國亡師之本

○晉侯使大子申生伐東山臯落氏

赤狄別種也臯落其氏族

里克

諫曰大子奉冢祀社稷之粢盛

里克晉大夫冢大也

以朝夕視

君膳者也

膳膳厨膳

故曰冢子君行則守有守則從從曰

撫軍守曰監國古之制也

○守從並去聲監平聲

夫帥師專行謀

帥師者必專謀軍事

誓軍旅

宣號令也

君與國政之所圖也非大子之

事也

國政正卿

師在制命而已

命將軍所制

稟命則不威專命則

不孝故君之嗣適不可以帥師

○適丁歷反下配適同

君失其官

帥師不威將焉用之

大子統師是失其官也專命則不孝是為帥必不威也

且臣聞臯

落氏將戰君其舍之。

○舍上聲

公曰寡人有子未知其誰

立焉不對而退見大子。大子曰吾其廢乎。對曰告

之以臨民。

謂居曲沃

教之以軍旅。

謂將下軍

不共是懼何故廢乎。

○共音恭

且子懼不孝無懼弗得立修已而不責人則免

於難。大子帥師公衣之偏衣。

偏衣左右異色其半似公服。○衣之去聲下衣身之偏衣之純

衣之危服同

佩之金玦。

以金為玦

狐突御戎先友為右。

狐突伯行重耳外祖父也為申

生御申生以

梁餘子養御罕夷先丹木為右。

罕夷晉下軍卿也梁餘子養為

御

羊舌大夫為尉。

羊舌大夫叔向祖父也尉軍尉

先友曰衣身之偏。

偏半也

握兵之要。

謂佩金玦將上軍

在此行也子其勉之偏躬無慝。

分身衣之半非惡意也

兵要遠災

威權在己可以遠害。遠去聲下同。

親以無災又何患焉

狐突歎曰時事之徵也

歎以先交為不知君心

衣身之章也

章貴賤

衷之旗也

旗表也所以表明其中心

故敬其事則命以始賞以

服其身

則衣之純

必以純色為服

用其衷則佩之度

衷中也佩玉者士君子常度。顧氏炎武曰佩

之合法度也記云世子佩瑜玉而綦組紱

今命以時卒閱其事也

冬十二月閱盡之時

衣之

龙服遠其躬也

龙雜色。龙莫江反

佩以金玦弃其衷也服以

遠之時以閱之龙涼冬殺金寒玦離胡可恃也

寒涼殺離

言無溫潤玦如環而缺不連。林氏堯叟曰衣之龙雜則有涼薄之意命玦以窮冬則有肅殺之意金屬秋方其性剛而寒玦如環而缺離不相連屬金

欲勉之狄可盡乎梁餘子養曰帥師者受命於廟

受服於社

服宜社之內盛以服器。服市軫反以屨飾器出兵祭社名為宜。

有常服矣。不獲而

危命可知也。

韋弁服軍之常也。危偏衣。

死而不孝。不如逃之。罕夷曰。

危竒無常。

雜色竒姓。非常之服。

金玦不復。

顧氏炎武曰。人臣賜玦則去。故曰不復。

雖復何

為。君有心矣。

有害大子之心。

先丹木曰。是服也。狂夫阻之。

也。言

雖狂夫猶知有疑。阻莊呂反。

曰。盡敵而反。

曰公辭。盡子忍反。下盡敵同。

敵可盡乎。雖盡

敵。猶有內讒。不如違之。

違去也。

狐突欲行。

行亦去也。

羊舌大夫

曰。不可。違命不孝。弃事不忠。雖知其寒。惡不可取。

子其死之。

寒薄也。

大子將戰。狐突諫曰。不可。昔辛伯諗

周桓公。

諗告也。事在桓十八年。諗音審。

云。內寵竝后。外寵二政。嬖子配

適大都耦國亂之本也。周公弗從，故及於難。今亂

本成矣。

驪姬為內寵，三為外寵，奚齊為嬖，子曲沃為大都，故曰亂本成矣。顧氏炎武曰：古人引言取大意，不必事事符同。今但以驪

姬寵奚齊嬖為國之亂。

立可必乎？孝而安民，子其圖之。奉身為孝，不戰為安民。

與其危身以速罪也。

有功益見害，故言孰與危身以召罪。晉語申生敗翟于稷桑而反，讓言長也。

○成風聞成季之繇，乃事之。

成風，莊公之妾，僖公之母也。繇，卦兆之占辭。繇音曹。

而

屬僖公焉，故成季立之。

○屬，章欲反。

○僖之元年，齊桓公遷邢于夷儀，二年封衛于楚

邱。邢遷如歸，衛國忘亡。

忘其滅亡之困。

○衛文公大布之衣，大帛之冠。

大布，麤布；大帛，厚繒。蓋用諸侯諒闇之服。繒，疾風反。

務材訓農通商惠工

加惠於百工賞其利器用

敬教勸學授方任能

方百事之宜也

元年革車三十乘季年乃三百乘

衛文公以此年冬立齊桓公始

平魯亂故傳因言齊之所以霸衛之所由興革車兵車季年存僖二十五年蓋招懷迸散故能致十倍之衆○迸必譁反

春秋左傳杜注卷第四

春秋左傳杜注卷第五

華亭姚培謙

僖公

名申莊公之子閔公之兄母成風謚法小心畏忌曰僖

經元年春王正月○齊師宋師曹伯次于聶北救

邢

齊師諸侯之師救邢次于聶北者案兵觀釁以待事也次例在莊三年聶北邢地○今山東昌府聊城縣東北有聶城齊之西界近邢地也

曹伯公穀

作曹師

○夏六月邢遷于夷儀

邢遷如歸故以自遷為辭夷儀邢地○今直隸順德府邢

臺縣西有夷儀城

○齊師宋師曹師城邢

傳例曰救患分災禮也一事而再列三國於文不可言諸

侯師

故○秋七月戊辰夫人姜氏薨于夷齊人以歸

傳在

閔二年不言齊人殺諱之書地者明在外薨

○楚人伐鄭

荆始改號曰楚

○八月公會齊

侯宋公鄭伯曹伯邾人于櫟

櫟宋地陳國陳縣西北有櫟城公及其會而不書盟還不以盟

告○櫟勅呈反○陳縣今河南開封府陳州州境有櫟城即櫟城也

山東京州府費縣南

○九月公敗邾師于偃

偃邾地當在

府費縣南

○冬十月壬午公子友帥師敗莒師于鄆

獲莒挐

鄆魯地莒莒子之弟不書弟者非卿非卿則不應書嘉季友之功故特書其所獲大夫生死皆曰獲獲例在昭二十三年○鄆

力知反等

○十有二月丁巳夫人氏之喪至自齊

傳公請而

葬之故告於廟而書喪至也齊侯既殺哀姜以其尸歸絕之於魚傷公請其喪而還不稱姜闕文

傳元年春不稱即位公出故也

國亂身出復入故即位之禮有關

公出復

入不書諱之也諱國惡禮也

掩惡揚善義存君親故通有諱例皆當時臣子率意而隱故無

深淺常然聖賢從之以通人理有時而聽之可也

○劉氏敞曰諱國惡非史官之事春秋之意也

○諸侯救邢

實大夫而曰諸侯總衆國之辭。按公穀皆以爲三國之君自行。

邢人潰出奔師

奔聶北之師也。邢潰不書不告也。

師遂逐狄人具邢器用而遷之。師無私

焉。

皆撰具還之無所私取。撰仕轉反。孔疏邢人潰而奔師棄其家之器物師逐狄人爲之斂聚皆撰具以還邢人師人無所私取。

○夏

邢遷于夷儀。諸侯城之救患也。凡侯伯救患分災

討罪禮也。

侯伯州長也。分穀帛。

○秋楚人伐鄭鄭即齊故也。盟于犂謀救鄭也。

犂即

榿也。地有二名。

○九月公敗邾師于偃。虛邱之戍將歸者也。

虛邱邾地。邾人

既送哀姜還齊人殺之。因戍虛邱欲以侵魯公以義求齊齊送姜氏之喪邾人懼乃歸故公要而敗之。○虛起居反。○虛邱當在今兗州府費縣界。

○冬莒人來求賂

求還慶父之賂

公子友敗諸鄆獲莒子之

弟挈非卿也嘉獲之也

莒既不能為魯討慶父受魯之賂而又重來其求無厭故嘉季友之獲而書之公

賜季友汶陽之田及費

汶陽田汶水北地汶水出泰山萊蕪縣西入濟○費音秘○汶陽田其地今充

州府寧陽縣境汶音問

○夫人氏之喪至自齊君子以齊人之殺哀姜也

爲已甚矣女子從人者也

言女子有三從之義在夫家有罪非父母家所宜討也○胡傳齊爲

盟主義得舉法

經二年春王正月城楚邱

楚邱衛邑不言城衛衛未遷○朱子詩經集註楚邱在滑州今直隸大

名府滑縣東六十里隋衛南廢縣即古楚邱城也與戎伐凡伯之地爲二

○夏五月辛巳葬我小

君哀姜

無傳反哭成喪故稱小君例在定十五年

○虞師晉師滅下陽

下陽號出在河東大陽縣

晉於此始赴見經滅例在襄十三年○穀梁傳非國而曰滅重夏陽也夏陽者虞虢之塞邑也滅夏陽而虞虢舉矣大陽廢縣在今山西平陽府平陸縣東北十五里又三十里為故下陽城

○秋九月齊侯宋公江人黃人盟于貫

貫宋地梁國蒙縣西北有貫城貫與貫字相似江國在汝南安陽縣○貫晉世○今山東兗州府曹縣西南十里蒙澤故城即古貫國也括地志安陽故城在新息縣西南八十里新息今河南汝寧府息縣是也

○冬十月不雨

傳在三年

○楚人侵鄭

傳二年春諸侯城楚邱而封衛焉

君死國滅故傳言封

不書所

會後也

諸侯既罷而魯後至詳不及期故以獨城為文○按此以魯辭書之故不言諸侯爾

○晉荀息請以屈產之乘與垂棘之璧假道於虞

以伐虢

荀息荀叔也屈地生良馬垂棘出美玉故以為名曰馬曰乘自晉適虢途出於虞故借道○屈求勿反○公羊何氏註屈產出名

馬之地今平陽府石樓縣東南四里有屈產泉垂大聲垂棘石地

公曰是吾寶也對曰若得道

於虞猶外府也公曰官之奇存焉

官之奇虞忠臣

對曰官之

奇之爲人也懦而不能強諫

懦弱也

且少長於君君暱

之雖諫將不聽

親而狎之必輕其言少去聲長于大反

乃使荀息假道於虞

曰冀爲不道入自顛軫伐鄭三門

前是冀伐虞至鄭鄭虞邑河東大陽縣東北有

顛軫坂○軫音零坂音反○鄭亡丁反今平陸縣東北二十五里有故鄭城顛軫坂在縣東北七十里

冀之既病則亦唯

君故

言虞報伐冀使病將欲假道故稱虞疆以悅其心冀國名平陽皮氏縣東北有冀亭○在今平陽府河津縣東北十五里

今虢

爲不道保於逆旅

逆旅客舍也虢稍遣人分依客舍以聚衆抄晉邊邑○抄初教反

以侵敝邑

之南鄙敢請假道以請罪于虢

問虢伐已以何罪

虞公許之

且請先伐虢

喜於厚賂而欲求媚

官之奇諫不聽遂起師夏晉

里克荀息帥師會虞師伐虢滅下陽

晉猶主兵不信虞

先書

虞賄故也

虞非倡兵之首而先書之惡貪賄也

○秋盟于貫服江黃也

江黃楚與國也始來服齊故為合諸侯

○齊寺人貂始漏師于多魚

寺人內奄官豎貂也多魚地名闕齊桓多嬖寵則如夫人者

六人外則幸豎貂易牙之等終以此亂國傳言貂於此始擅貴寵漏洩桓公軍事為齊亂張本

○虢公敗戎于桑田

桑田虢地在弘農陝縣東北○今河南陝州靈寶縣西二十五里稠桑驛即其地也

晉卜偃曰虢必亡矣亡下陽不懼而又有功是天

奪之鑒

鑒所以自照

而益其疾也

驕則生疾

必易晉而不撫其民

矣不可以五稔

稔熟也為下五年晉滅虢張本。易去聲稔入甚反

○冬楚人伐鄭闢章囚鄭聃伯

經書侵傳言伐本以伐與權行侵掠為後年楚伐鄭聃伯

欲成張本掠音亮

經三年春王正月不雨夏四月不雨

一時不雨則書首月傳例曰不日旱

不為災

○徐人取舒

無傳徐國在下邳僮縣東南舒國今廬江舒縣勝國而不用大師亦曰取例在襄十三年。括地志

徐城縣西四十里有大徐城即古徐國也今江南鳳陽府泗州北八十里有古徐城相傳為徐偃王築舒縣古城在今江南廬州府廬江縣西趙氏鵬飛曰齊桓自莊二十六年伐徐意徐遂服于齊也徐服于齊則取舒之謀齊謀也舒隸于廬而迫近楚詩曰荆舒是懲則楚之與國也齊之為謀襲其不備而取之齊楚援也

○六月雨

示旱不竟夏

○秋齊侯宋公江人黃人會

于陽穀

陽穀齊地在東平須昌縣北今陽穀縣屬山東兗州府

○冬公子友如齊涖盟

涖臨也

○楚人伐鄭

傳三年春不雨夏六月雨自十月不雨至于五月

不曰旱不爲災也

周六月夏四月於播種五稼無損

○秋會于陽穀謀伐楚也

二年楚侵鄭故

○齊侯爲陽穀之會來尋盟冬公子友如齊涖盟

公時不會陽穀故齊侯自陽穀遣人詣魯求尋盟魯使上卿詣齊受盟謙也○爲去聲

○楚人伐鄭鄭伯欲成孔叔不可曰齊方勤我

叔孔

鄭大夫勤恤鄭難

弃德不祥

祥善也

○齊侯與蔡姬乘舟于圉蕩公

蔡姬齊侯夫人蕩搖也圉苑也蓋魚池在苑中公

懼變色禁之不可公怒歸之未絕之也蔡人嫁之

為明年齊
侵蔡傳

經四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚次于陘

民逃其上曰潰例在
文三年遂兩事之辭

楚強齊欲綏之以德故不速進而次陘陘楚地潁

○夏許男新臣卒

川名陵縣南有陘亭○今屬河南許州鄆城縣

未同盟而赴以名○即許叔

○楚屈完來盟于師盟于召陵

屈完楚大夫也楚子遣完

如師以觀齊屈完親齊之盛因而求盟故不稱使以完來盟為文齊桓退舍以禮楚故盟召陵召陵潁川縣也○今鄆城縣東四十五里有召陵故城

○齊人執陳轅濤塗

轅濤塗陳大夫

○秋及江人黃人伐陳

受齊命討陳之罪而以與謀為文者時齊不行使魯為主與謀例在宣七年

○八月公至自伐楚

無傳

告于廟

○葬許穆公○冬十有二月公孫茲帥師會齊

人宋人衛人鄭人許人曹人侵陳

公孫茲叔牙子叔孫戴伯○霸國大夫會諸大

夫侵與國自此始陳氏傳良曰會侵未有書帥師者而公孫茲書帥師會救未有書帥師者而公孫教書帥師公子牙與弒子般公子慶父謀弒閔公而茲與教皆世為將是故謹志之公子友帥師敗莒師于鄆公孫茲帥師會侵陳公孫教帥師及諸侯之大夫救徐見三家之所從始也

傳四年春齊侯以諸侯之師侵蔡蔡潰遂伐楚楚

子使與師言曰君處北海寡人處南海唯是風馬

牛不相及也

楚界猶未至南海因齊處北海遂稱所近牛馬風遠蓋未界之微事故以取喻○孔疏服虔云風放也牝牡相

誘謂之風尚書稱馬牛其風此言風馬牛謂馬牛風遠牝牡相誘蓋是未界之微事言此事不相及故以取喻不相干也

不虞君之

涉吾地也何故管仲對曰昔召康公命我先君大

公名康公周太保名公夷也

曰五侯九伯女實征之以夾輔周室

五等諸侯

九州之伯皆得征討其罪齊桓因此命以夸楚

賜我先君履東至于海西至于河

南至于穆陵北至于無棣

穆陵無棣皆齊竟也履所踐履之界齊桓又因以自言其盛○今山東青州府臨朐縣東南一百五里有穆陵關在大峴山上伏琛齊地記無棣在渤海高城縣今直隸河間府滄州鹽山縣即古無棣也縣南有無棣溝

貢包茅不入王祭不共無以縮酒寡人是徵

包裏束也茅菁

茅也束茅而灌之以酒為縮酒尚書包匭菁茅茅之為異未審○共音恭○縮所六反鄭氏興曰束茅立之祭前沃酒其上酒滲下去若神飲之故謂之

縮也昭王南征而不復寡人是問

昭王成王之孫南巡守漢船壞而溺周人諱而不赴諸

侯不知其故故問之○齊侯以為楚罪而問之也

對曰貢之不入寡君之罪也敢

不共給昭王之不復君其問諸水濱

昭王時漢非楚竟故不受罪

師

進次于陘

楚不服罪故復進師

夏楚子使屈完如師

如陘之師觀強弱

師退

次于召陵

完請盟故

齊侯陳諸侯之師與屈完乘而觀之

乘共載乘去聲

齊侯曰豈不穀是爲先君之好是繼與不

穀同好如何

言諸侯之附從非爲己乃尋先君之好讎而自廣因求與楚同好孤寡不穀諸侯讎稱爲好並去聲

對

曰君惠徼福於敝邑之社稷辱收寡君寡君之願

也

徼古堯反

齊侯曰以此衆戰誰能禦之以此攻城何

城不克對曰君若以德綏諸侯誰敢不服君若以

力楚國方城以爲城漢水以爲池

方城山在南陽樊縣南以言竟土之遠漢水出

武都至江夏南入江言其險固以當城池

雖衆無所用之屈完及諸侯盟

○陳轅濤塗謂鄭申侯曰師出於陳鄭之間國必

甚病

申侯鄭大夫當有共給之費故

若出於東方觀兵於東夷循海而

歸其可也

東夷鄭莒徐夷也觀兵示威

申侯曰善濤塗以告齊侯許

之

許出東方

申侯見曰師老矣若出於東方而遇敵懼不

可用也若出於陳鄭之間共其資糧屣其可也

屣草屨

○見賢

齊侯說與之虎牢

還以鄭邑賜之

執轅濤塗

○公羊傳濤塗

謂桓公曰君能服南夷矣何不還師濱海而東服東夷耳歸桓公曰諾于是

還師濱海而東大陷于沛澤之中顧而執濤塗張氏洽曰如左氏說則齊師

終由陳反但怨表濤塗之言爾卒按若果由陳鄭而歸則何必魯及江黃伐

陳再勤諸侯之師乎以此考之則知公羊大陷沛澤之說為信所以桓公怒

陳之深至于與諸侯

之師伐而又侵也

之師伐而又侵也

○秋伐陳討不忠也

以濤塗為誤軍道。王氏熊曰濤塗之言雖私其國然不聽則已何至勤師以討蓋陳蔡

近楚嘗有貳心今不欲齊師反而由已齊人以為叛齊即楚之漸故因歸師以威之觀再侵而陳乃成則陳初未肯服也陳不心服桓再興師得其成而後已非專以濤塗也

○許穆公卒于師葬之以侯禮也

男而以侯禮加二等

凡諸侯

薨于朝會加一等

諸侯命有三等公為上等侯伯中等子男為下等

死王事加二等

謂以死勤事

於是有以袞斂

袞衣公服也謂加二等○斂去聲

○冬叔孫戴伯帥師會諸侯之師侵陳陳成歸轅

濤塗

陳服罪故歸其大夫戴謚也

○初晉獻公欲以驪姬為夫人卜之不吉筮之吉

公曰從筮卜人曰筮短龜長不如從長

物生而後有象象而後有滋潤

而後有數龜象筮數故象長數短○孔疏易繫辭云著之德圓而神卦之德方以智神以知來知以藏往然則知來藏往是為極妙雖龜之長無以加此聖人演筮以為易所知豈短于卜卜人欲令公舍筮從卜故云筮短龜長非是龜能實長且其繇曰專之渝

攘公之羯

繇卜兆辭渝變也攘除也羯美也言變乃除公之美○孔疏言公若專心愛之公心必將改變變乃除公之美公先有美此人將除去之繇音胃

渝音俞下論同音

一薰一蕕十年尚猶有臭

薰香草蕕臭草十年有臭言善

易消惡難除○臭尺救反孔疏月令其臭香易云其臭如蘭傳稱在君之臭味則臭是氣之總名元非善惡之稱但既謂善氣為香故專以惡氣為臭耳

必不可弗聽立之生奚齊其娣生卓子及將立奚

齊既與中大夫成謀姬謂大子曰君夢齊姜必速

祭之

齊姜大子母言求食

大子祭于曲沃歸胙于公

胙祭之酒肉公田

姬寘諸宮六日公至毒而獻之

毒酒經宿而經六日明公之惡

公祭之

地地墳

墳扶粉反

與犬犬斃與小臣小臣亦斃姬泣曰

賊由犬子犬子奔新城

新城曲沃○今山西平陽府聞喜縣是也

公殺其傅杜

原款或謂犬子子辭君必辯焉

以六日之狀自理

犬子曰君非

姬氏居不安食不飽我辭姬必有罪君老矣吾又

不樂

吾自理則姬死姬死則君必不樂不樂為由吾也

曰子其行乎犬子曰君實不

察其罪被此名也以出人誰納我十二月戊申縊

于新城姬遂譖二公子曰皆知之重耳奔蒲夷吾

奔屈

二子時在朝為明年晉殺申生傳

經五年春晉侯殺其世子申生

稱晉侯惡用
讒書春從告

○杞伯姬

來朝其子

無傳伯姬來寧寧成風也朝其子者時子年在十歲左右四
有諸侯子得行朝義而卒不成朝禮故繫於母而曰朝其子

○謂以其
子來朝

○夏公孫茲如牟

叔孫戴伯娶於牟卿非君命不越
竟故奉公命聘於牟因自為逆

○公

及齊侯宋公陳侯衛侯鄭伯許男曹伯會王世子

于首止

惠王太子鄭也不名而殊會尊之也首止衛地陳留
襄邑縣東南有首鄉○在今河南歸德府睢州東南

○秋八

月諸侯盟于首止

間無異事復稱諸侯者王世子不盟故也王之
世子尊與王同齊桓行霸翼戴天子尊崇王室

故殊貴
世子

鄭伯逃歸不盟

逃其師而歸也
逃例在文三年

○楚人滅弦弦子

奔黃

弦國在弋陽縣東南○今河南汝寧府光州西南有弦城湖
廣黃州府蘄水縣有軼縣故城皆魏晉時弋陽郡境軼音犬

○

九月戊申朔日有食之

無傳

○冬晉人執虞公

虞公貪璧
馬六且距

絕忠諫稱人以執同於無道於其民之例例在成十五年所以罪虞且言易也晉侯修虞之祀而歸其職貢於王故不以滅同姓為議。陸氏淳曰虞公曾為三公故謂之公。

傳五年春王正月辛亥朔日南至

周正月今十一月冬至之日日南極公既

視朔遂登觀臺以望而書禮也

視朔親告朔也觀臺臺上構屋可以遠觀者也朔旦冬至

歷數之所始治歷者因此則可以明其術數審別陰陽敘事訓民魯君不能常修此禮故善公之得禮。觀六聲

凡分至啓

閉必書雲物

分春秋分也至冬夏至也啓立春立夏閉立秋立冬雲物氣色災變也傳重申周典不言公者日官掌三職

為

備故也

素祭妖怪祥逆為之備

○晉侯使以殺犬子申生之故來告

釋經必須告乃書

初晉

侯使士蒍為二公子築蒲與屈不慎寘薪焉

不謹慎夷

吾訴之公使讓之

諫讓之

士蔦稽首而對曰臣聞之無

喪而感憂必讎焉

讎猶對也

無戎而城讎必保焉

保而守之

寇讎

之保又何慎焉守官廢命不敬固讎之保不忠失

忠與敬何以事君詩云懷德惟寧宗子維城

詩大雅懷德以

安則宗子之固若城

君其脩德而固宗子何城如之

言城不如固宗子

三年

將尋師焉焉用慎

尋用也

退而賦曰狐裘尫茸一國三

公吾誰適從

士蔦自作詩也尫茸亂貌公使寺人披伐蒲重耳則為公子所訴為公所議堅之則為固讎不忠無以事

君故不知所從○尫莫江反適丁歷反○茸如容反

及難公使寺人披伐蒲重耳曰

君父之命不校乃徇曰校者吾讎也踰垣而走披

斬其袪遂出奔翟

袪袂也。校音教徇似浚反。

○夏公孫茲如牟娶焉

因聘而娶故傳實其事

○會于首止會王太子鄭謀寧周也

惠王以惠后故將廢太子鄭而立王子帶

故齊桓帥諸侯會

王太子以定其位

○陳轅宣仲怨鄭申侯之反已於召陵

宣仲轅濤塗

故勸

之城其賜邑

齊桓所賜虎牢

曰美城之大名也子孫不忘吾

助子請乃爲之請於諸侯而城之美

樓櫓之備美設

遂譖諸

鄭伯曰美城其賜邑將以叛也申侯由是得罪

爲七

年鄭殺

申侯傳

○秋諸侯盟王使周公召鄭伯曰吾撫女以從楚

輔之以晉可以少安

周公宰孔也王恨齊桓定天子之位故召鄭伯使叛齊也晉楚不服於齊故以鎮安鄭

鄭伯喜於王命而懼其不朝於齊也故逃歸不盟

孔叔止之曰國君不可以輕輕則失親

孔叔鄭大夫親黨援也○輕去

聲失親患必至病而乞盟所喪多矣君必悔之弗

聽逃其師而歸

○楚鬬穀於菟滅弦弦子奔黃於是江黃道柏方

睦於齊皆弦姻也

姻外親也道國在汝南安陽縣南柏國名汝南西平縣有柏亭○安陽漢志作陽安應劭曰陽

安縣有道亭今河南汝寧府確山縣東北有陽安故城其南即道國西平縣今屬汝寧府柏亭在縣西

弦子恃之而不事

楚又不設備故亡

○晉侯復假道於虞以伐虢宮之奇諫曰虢虞之

表也虢亡虞必從之晉不可啓寇不可翫

翫習也

一之

謂甚其可再乎

為二年假晉道滅下陽

諺所謂輔車相依唇亡齒

寒者其虞虢之謂也

輔頰輔車牙車○車尺奢反牙車牙下骨之名也

公曰晉吾宗

也豈害我哉對曰大伯虞仲大王之昭也大伯不

從是以不嗣

大伯虞仲皆大王之子不從父命俱讓適吳仲雍支子別封西吳虞公其後也穆生昭昭生穆以世次計故大伯虞仲

於周為昭

號仲號叔王季之穆也

王季者大伯虞仲之母弟也號仲號叔王季之子文王之母弟也仲叔皆

號君字

為文王卿士勲在王室藏於盟府

盟府司盟之官

將虢是

滅何愛於虞。且虞能親於桓莊乎。其愛之也。桓莊

之族何罪。而以爲戮。不唯偏乎。

桓叔莊伯之族晉獻公之從祖昆弟獻公意其偏盡殺之

事在莊三十五年

親以寵偏。猶尚害之。況以國乎。公曰。吾享祀

豐絜。神必據我。

據猶安也

對曰。臣聞之。鬼神非人實親。惟

德是依。故周書曰。皇天無親。惟德是輔。

周書逸書。今書蔡仲之命

又曰。黍稷非馨。明德惟馨。

馨香。遠聞。今書君陳

又曰。民不易物。

惟德絜物。

黍稷牲玉無德則不見饗。有德則見饗。言物一而異用。繫焉。今反。語辭也。今書旅獒

如是則非

德。民不和。神不享矣。神所馮依。將在德矣。

馮。皮。冰反。

若

晉取虞而明德以薦馨香。神其吐之乎。弗聽。許晉

使宮之奇以其族行也。曰：虞不臘矣。

臘歲終祭衆神之名。朱子曰：秦始有臘。

祭而左氏謂虞不臘矣。是秦時文字分明。

在此行也。晉不更舉矣。

不更舉兵。

八月甲午。

晉侯圍上陽。

上陽虢國都在弘農陝縣東南。陝縣今河南河南府陝州是也。

問於卜偃曰：吾

其濟乎？對曰：克之。公曰：何時？對曰：童謠云：丙之晨。

龍尾伏辰。

龍尾尾星也。日月之會曰辰。日在尾故尾星伏不見。

均服振振，取虢之旂。

戎事上下。

同服振振，盛貌。旂軍之旌旗。振音真。

鶉之賁賁，天策焞焞，火中成軍。虢公

其奔。

鶉，鶉火星也。賁，賁鳥星之體也。天策，傳說星時近日星微。焞，焞無光耀也。言丙子平旦鶉火中，軍事有成功也。此已上皆童謠言也。童獻

之子未有念慮之感，而會成嬉戲之言，似若有馮者，其言或中，或否，博覽之士能懼思之人，兼而志之以為鑒戒，以為將來之驗，有益於世教。賁音奔。焞他門反。焞初問反。毀齒也。其九月十月之交乎？

以星驗推之。知九月十月之交，謂夏之九月十月也。交晦。

朔交會

丙子旦日在尾月在策

是夜日月合朔於尾月行疾故至旦而過在策

鶉火中

必是時也冬十二月丙子朔晉滅虢虢公醜奔京

師

不書不告也周十二月夏之十月

師還館于虞遂襲虞滅之執虞公及

其大夫井伯以媵秦穆姬

秦穆姬晉獻公女送女曰媵以屈辱之

而脩虞祀

且歸其職貢於王

虞所命祀

故書曰晉人執虞公罪虞且

言易也

經六年春王正月○夏公會齊侯宋公陳侯衛侯

曹伯伐鄭圍新城

新城鄭新密今滎陽密縣○今河南開封府密縣東南三十里有故密城

○秋楚

人圍許

楚子不親圍以圍者告○陳氏傳良曰楚君將恒稱人

諸侯遂救許

皆伐鄭之諸侯故不復更敘

○冬公至自伐鄭

無傳

傳六年春晉侯使賈華伐屈夷吾不能守盟而行

賈華晉大夫非不欲校力

不能守言不如重耳之賢

將奔狄卻芮曰後出同走罪也

嫌與重耳

同謀而相隨

○卻去逆反不如之梁梁近秦而幸焉乃之梁

以梁為秦所親幸秦既大

國且穆姬在焉故欲因以求入

○夏諸侯伐鄭以其逃首止之盟故也

首止盟在五年

圍新

密鄭所以不時城也

實新密而經言新城者鄭以非時與土功齊桓聲其罪以告諸侯

○秋楚子圍許以救鄭諸侯救許乃還

○冬蔡穆侯將許僖公以見楚子於武城

楚子退舍武城猶有怠志

而諸侯各罷兵故蔡將許君歸楚武城楚地在南陽宛縣北。今河南南陽府南陽縣古宛縣地也。

許男面縛銜壁

大夫衰經士與櫬

縛手於後唯見其面以壁為贅手縛故銜之櫬棺也將受死故衰經

楚子問

諸逢伯

逢伯楚大夫

對曰昔武王克殷微子啓如是

微子啓紂庶兄

宋之祖也

武王親釋其縛受其壁而祓之

祓除凶之禮祓芳弗反

焚其

櫬禮而命之使復其所楚子從之

趙氏臣曰按楚本國許以救鄭諸侯救許鄭

園以解楚師亦退許有何懼乃隨蔡侯為滅國之禮乎若爾許已從楚齊又何故不伐許乎又云昔武王克殷微子啓如是亦可疑劉氏敞曰是後許男

常與諸侯會知其初不降楚也

經七年春齊人伐鄭○夏小邾子來朝

無傳邾卑來始得王命而來朝

也邾之別封故曰小邾

○鄭殺其大夫申侯

申侯鄭卿專利而不厭故稱名以殺罪之也例在文六年

○

秋七月公會齊侯宋公陳世子款鄭世子華盟于

甯母

高平方與縣東有泥母亭音如甯。泥乃麗反。母音景。今山東兗州府魚臺縣東二十里穀城鎮即其地也。

○曹伯

班卒

無傳五年同盟于首止

○公子友如齊

無傳罷盟而聘謝不敏也

○冬葬曹昭

公

無傳

傳七年春齊人伐鄭孔叔言於鄭伯曰諺有之曰

心則不競何憚於病

競強也憚難也。言既不能自強何畏難于卑弱之病

既不能彊

又不能弱所以斃也國危矣請下齊以救國公曰

吾知其所由來矣姑少待我

欲以申侯說

對曰朝不及夕

何以待君

○夏鄭殺申侯以說于齊且用陳轅濤塗之譖也

濤塗譖在五年

初申侯申出也

姊妹之子為出

有寵於楚文王文王將

死與之璧使行曰唯我知女女專利而不厭

厭平聲

予

取予求不女疵瑕也

從我取從我求我不以女為罪釁

後之人將求多於

女

謂嗣君也求多以禮義大望責之

女必不免我死女必速行無適小國

將不女容焉

政狹法峻

既葬出奔鄭又有寵於厲公子文

聞其死也曰古人有言曰知臣莫若君弗可改也

已

○秋盟于甯母謀鄭故也管仲言於齊侯曰臣聞

之招攜以禮懷遠以德

攜離也

德禮不易無人不懷齊

侯脩禮於諸侯諸侯官受方物

諸侯官司各於齊受其方所當貢天子之物

鄭

伯使大子華聽命於會言於齊侯曰洩氏孔氏子

人氏三族實違君命

三族鄭大夫洩息列反

若君去之以爲成我

以鄭爲內臣君亦無所不利焉

以鄭事齊如封內臣

齊侯將許

之管仲曰君以禮與信屬諸侯而以姦終之無乃

不可乎子父不好之謂禮守命共時之謂信

守君命共時事

屬音屬姦音干恭音恭

違此二者姦莫大焉公曰諸侯有討於鄭

未捷今苟有釁從之不亦可乎

子華犯父命是其釁隙

對曰君若

綏之以德。加之以訓辭。而帥諸侯以討鄭。鄭將覆

亡之不暇。豈敢不懼。若總其罪人以臨之。

總將領也。子華奸父之命。

即罪人。鄭有辭矣。何懼。以大義為辭。且夫合諸侯以崇德也。會

而列姦。何以示後嗣。

列姦用子華。

夫諸侯之會。其德刑禮

義無國不記。記姦之位。

位。會位也。子華為姦人。而列在會位。將為諸侯所記。

君盟替矣。

替。廢也。作而不記。非盛德也。

君舉必書。雖復齊史隱諱。亦損盛德。

君其勿許。鄭必

受盟。夫子華既為大子。而求介於大國。以弱其國。

亦必不免。

介。因也。

鄭有叔詹堵叔師叔三良為政。未可

閒也。齊侯辭焉。子華由是得罪於鄭。冬。鄭伯使請

盟于齊

以齊侯不聽子華故

○閏月惠王崩襄王惡大叔帶之難

襄王惠王太子鄭也大叔帶襄王弟重后

之子也有寵於惠后惠后欲立之未及而卒

懼不立不發喪而告難于齊

為八年盟洮傳

經八年春王正月公會王人齊侯宋公衛侯許男

曹伯陳世子款盟于洮

王人與諸侯盟不識者王室有難故洮曹地洮他刀反今山東東昌府濮州西南

五十里有洮城

鄭伯乞盟

新服未與會故不序列別言乞盟

○夏狄伐晉○秋七月

禘于大廟用致夫人

禘三年大祭之名大廟周公廟毀者致新死之主於廟而列之昭穆夫人淫而與殺不覺於寢

於禮不應致故僖公疑其禮歷三禘今果行之嫌異常故書之○殺音弑

○冬十有二月丁未天王

崩

實以前年閏月崩以今年十二月丁未告

傳八年春盟于洮謀王室也鄭伯乞盟請服也襄

王定位而後發喪

王人會洮還而後王位定。吳氏澂曰左氏以爲惠王已崩然豈有一年秘不發喪之理竊疑此時

王雖未崩或是有疾襄王惟恐一旦大故而叔帶篡立周之大臣亦有能爲襄王謀者故遣下士告難于齊桓公於是合諸侯以謀之至冬王崩而襄王得安其位者齊桓之力也又曰鄭伯前年徇惠王之邪心逃首止之盟蓋不欲定世子也今見齊桓再會諸侯結盟以定世子之位襄王將嗣位爲王矣故鄭伯懼後禍悔前非而乞與此盟也

○晉里克帥師梁由靡御虢射爲右以敗狄于采

桑

傳言前年事也平陽北屈縣西南有采桑津。在今山西平陽府寧鄉縣西大河南濟處也射音石

梁由靡曰狄

無恥從之必大克

不取走故可逐

里克曰懼之而已無速衆

敵

恐怨深而君黨來報

虢射曰期年狄必至示之弱矣夏狄伐

晉報采桑之役也復期月

明期年之言
驗○期音基

○秋禘而致哀姜焉非禮也凡夫人不薨于寢不

殯于廟不赴于同不祔于姑則弗致也

寢小寢同同盟
將葬又不以殯

過廟據經哀姜葬葬之文則為殯廟赴同祔姑今當以不薨于寢不得致也
○胡傳夫人者風氏也趙氏恒曰在禮夫人得與于祭君婦獻君母不獻君
母既不獻成風雖不與可也而必用致之者成風在莊
公時以妾不與今用致之使與於祭以成其為夫人也

○冬王人來告喪難故也是以緩

有犬叔
帶之難

○宋公疾犬子茲父固請曰目夷長且仁君其立

之

茲父襄公也目夷
庶兄子魚也

公命子魚子魚辭曰能以國讓仁孰

大焉臣不及也且又不順

立庶不
順禮

遂走而退

經九年春王三月丁丑宋公御說卒四同夏公會

宰周公齊侯宋子衛侯鄭伯許男曹伯于葵邱宰公

也宰官周采地天子三公不字宋子襄公也傳例曰在喪公侯曰子陳留外黃縣東有葵邱○釋例曰宋地也今在河南開封府考城縣東三十里孔疏莊八年傳曰連稱管至父戍葵邱杜云齊地傳稱齊侯不務德而勤遠略西為此會則此地遠處齊西不得近在臨淄故釋例以為宋地○秋

七月乙酉伯姬卒無傳公羊穀梁曰未適人故不稱國已許嫁則以成人之禮書不復殤也婦人許嫁而笄猶丈夫之冠○孔疏嫁于大夫死不書卒此許嫁者嫁于國君也但未往彼國不成彼國之婦故不稱國也○九月戊辰諸

侯盟于葵邱夏會葵邱次伯姬卒文不相比故重書諸侯宰孔先歸不與盟○比毗志反○甲子晉

侯僖諸卒未同盟而赴以名甲子九月十一日戊辰十五日也書在盟後從赴○僖九委反○張氏洽曰不應甲子在戊辰後合從公

羊作○冬晉里克殺其君之子奚齊獻公未葬奚齊未成君故稱君之子奚齊受命

繼位無罪故
里克稱名

傳九年春宋桓公卒未葬而襄公會諸侯故曰子

凡在喪王曰小童公侯曰子

在喪未葬也小童者童蒙幼未之稱子者繼父之辭公侯位尊

上連王者下絕伯子男周康王在喪稱子一人創禮稱亦不言小童戎所稱之辭各有所施此謂王自稱之辭非諸下所得書故經無其事傳通取舊典之文以事相接○啖氏助曰伯子男在喪亦當稱子獨言公侯誤也

○夏會于葵丘尋盟且修好禮也王使宰孔賜齊

侯胙

胙祭肉尊之比二王後

曰天子有事于文武

有祭事也

使孔賜伯舅

胙

天子謂異姓諸侯曰伯舅

齊侯將下拜孔曰且有後命天子使孔

曰以伯舅耄老加勞賜一級無下拜

七十曰耄級等也○孔疏曲禮升階之法

云淺級聚足是級為等也法當下拜賜之勿下是進一級勞去聲

對曰天威不遠顔咫尺

言天鑒察不遠

威嚴常在顔面之前八寸曰咫

小白余敢貪天子之命無下拜

小白齊侯名余身也

恐隕越于下

隕越顛墜也據天王居上故言恐顛墜於下

以遺天子羞敢不下

拜下拜登受

拜堂下受胙於堂上遺去聲

○秋齊侯盟諸侯于葵邱曰凡我同盟之人既盟

之後言歸于好

義取修好故傳顯其盟辭

宰孔先歸

既會先諸侯去

遇晉侯曰

可無會也

晉侯欲求會葵邱

齊侯不務德而勤遠略故北伐

山戎

在莊三

南伐楚

在四

西為此會也東略之不知西

則否矣

言或向東必不能復西略○略巡行也

其在亂乎君務靖亂無勤於

行在存也微戒獻公言晉將有亂○林氏堯叟曰在察也言當察禍亂之萌先自安靖晉國齊不能救晉無勞遠行求會也晉侯乃

還不復會齊

○九月晉獻公卒里克不鄭欲納文公故以三公

子之徒作亂

不鄭晉大夫三公子申生重耳夷吾○不普惡反

初獻公使荀息傅奚

齊公疾召之曰以是藐諸孤

言其幼賤與諸子縣藐○藐小也諸語辭

辱在大

夫其若之何

欲屈辱荀息使保護之

稽首而對曰臣竭其股肱之

力加之以忠貞其濟君之靈也不濟則以死繼之

公曰何謂忠貞對曰公家之利知無不爲忠也送

往事居耦俱無猜貞也

往死者居生者耦兩也送死事生兩無疑恨所謂正也

及里克

將殺奚齊先告荀息曰三怨將作

三公子之徒

秦晉輔之

子將何如荀息曰將死之里克曰無益也荀叔曰

吾與先君言矣不可以貳能欲復言而愛身乎

荀叔荀息

也復言言可復也○言欲踐其言自不得愛其身

雖無益也將焉辟之且人之欲善

誰不如我我欲無貳而能謂人已乎

言不能止里克使不忠於申生等

冬十月里克殺奚齊于次

次喪

書曰殺其君之子未

葬也荀息將死之人曰不如立卓子而輔之荀息

立公子卓以葬十一月里克殺公子卓于朝荀息

死之君子曰詩所謂白圭之玷尚可磨也斯言之

玷不可爲也

詩大雅言此言之
缺難治甚於白圭

荀息有焉

有此詩人
重言之義

○齊侯以諸侯之師伐晉及高梁而還討晉亂也

高梁晉地在平陽縣西南○今山西平陽府
臨汾縣東三十七里高梁都地名梁墟是也

令不及魯故不書

前

發不書例今復重發
嫌霸者異於凡諸侯

○晉卻芮使夷吾重賂秦以求入

卻芮卻克祖
父從夷吾者

曰人實

有國我何愛焉

言國非已之有何
愛而不以賂秦

入而能民土於何有從

之

能得民不
患無土

齊隰朋帥師會秦師納晉惠公

隰朋齊大夫
惠公夷吾○

隰音習

秦伯謂卻芮曰公子誰恃對曰臣聞亡人無黨

有黨必有讎

言夷吾無黨無黨則無
讎易出易入以微勸秦

夷吾弱不好弄

弄戲也

能

關不過

有節制

長亦不改不識其他公謂公孫枝曰夷

吾其定乎

公孫枝秦大夫子桑也

對曰臣聞之唯則定國詩曰不

識不知順帝之則文王之謂也

詩大雅帝天也則法也言文王闇行自然合天之法

又

曰不僭不賊鮮不爲則

僭過差也賊傷害也皆忌克也能不然則可爲人法則

無好無

惡不忌不克之謂也今其言多忌克

既僭而賊難哉言能自定難

公曰忌則多怨又焉能克是吾利也

其言雖多忌適足以自害不能勝人也秦

伯慮其遷害已故曰是吾利

○宋襄公即位以公子目夷爲仁使爲左師以聽政於是宋治故魚氏世爲左師

經十年春王正月公如齊無傳○狄滅溫溫子奔衛

蓋中國之狹滅而居其土地

○晉里克弑其君卓及其大夫荀息弑卓

在前年而以今春書者從赴也獻公既葬卓已免喪故稱君也荀息稱名者雖欲復言本無遠謀從君於昏○胡傳君弑而死于難書及所以著其節書大夫不失其官也於荀息何取焉若息者可謂不食其言矣注氏克寬曰春秋書死節者三孔父仇牧荀息之守信比於正色而立於朝委身以摧勅敵者固有間矣然聖人猶有取焉者視石之紛如○夏齊侯許徒人費賈驪州綽近習嬖幸之臣則猶此善于彼也

男伐北戎

無傳北戎山戎

○晉殺其大夫里克

里克者先君所命卓子又以在國嗣位罪

未為無道而里克親為三怨之主累弑二君故稱名以罪之○胡傳里克弑二君不以討賊之辭書者惠公殺之不以其罪也里克所為弑者為重耳也夷吾曰是又將殺我也故稱國以殺而不失其官

○秋七月○冬大雨雪

無傳平地尺為大雪○雨去聲

傳十年春狄滅溫蘇子無信也蘇子叛王即狄又

不能於狄狄人伐之王不救故滅蘇子奔衛

蘇子周司寇蘇

公之後也國於溫故曰溫

子叛王事在莊十九年

○夏四月周公忌父王子黨會齊隰朋立晉侯

周公忌父

周卿士王子黨周大夫

晉侯殺里克以說

自解說不集

將殺里克公使謂

之曰微子則不及此雖然子弑二君與一大夫爲

子君者不亦難乎對曰不有廢也君何以興欲加

之罪其無辭乎

言欲加已罪不患無辭

臣聞命矣伏劍而死於是

平鄭聘于秦且謝緩賂故不及

平鄭里克黨以在秦故不及里克俱死

○晉侯改葬共太子

共太子申生也○共音恭

秋狐突適下國

下國曲沃新城

遇犬子。犬子使登僕。

忽如夢而相見。狐突木為申生御。故復使登車為僕。

而告之曰：夷

吾無禮。

孔疏：賈逵云：「烝于獻公夫人賈君，故曰無禮。」馬融云：「申生不自明而死，夷吾改葬之，章父之過，故曰無禮。」杜不為注，當以鬼神之意難得而知。夷吾無禮，或非一事，不可指言，故不說也。

余得請於帝矣。

請罰夷吾。

將以晉畀秦。

秦將祀余，對曰：「臣聞之神不歆非類，民不祀非族。」

君祀無乃殄乎？」

歆，饗也。殄，絕也。

且民何罪？失刑乏祀，君其圖之。」

君曰：「諾。」吾將復請。七日，新城西偏，將有巫者而

見我焉。

新城，曲沃也。將因巫而見。

許之，遂不見。

狐突許其言，申生之象亦沒。

及期而往。

告之曰：「帝許我罰有罪矣，敝於韓。」

敝，敗也。韓，晉地。獨敝惠公，故言罰有罪，明不復。

以晉畀秦，夷吾忌克多怨，終於失國。雖改葬加謚，申生猶忿。傳言鬼神所憑，有時而信。括地志：同州韓城縣南十八里，為古韓國。今屬陝西西安府地。

名韓

原

○平鄭之如秦也言於秦伯曰呂甥卻稱冀芮實

爲不從若重問以召之

三晉大夫不從不與秦賂問聘問之幣

臣出晉君君

納重耳蔑不濟矣

蔑無也

冬秦伯使泠至報問且召三

子

泠至秦大夫

卻芮曰幣重而言甘誘我也遂殺平鄭

祁舉

祁舉晉大夫

及七輿大夫

侯伯七命副車七乘

左行共華右行賈

華叔堅騅歛纍虎特宮山祁皆里平之黨也

七子七輿大夫

○行戶郎反共音恭騅音佳歛市專反纍力追反

平豹奔秦

平豹平鄭之子

言於秦伯曰晉

侯背大主而忌小怨民弗與也伐之必出

大主秦也小怨里平

公曰失衆焉能殺

謂殺里平之黨

違禍誰能出君

謂豹避禍也為明年晉殺平鄭

傳

經十有一年春晉殺其大夫平鄭父

以私怨謀亂國書名罪之書春從告○胡

傳不鄭言于秦伯請出晉君則鄭有罪矣曷為稱國以殺而不去其官惠公以私意殺里克故其黨皆懼鄭之有此謀由殺里克致之也

○夏

公及夫人姜氏會齊侯于陽穀

無傳婦人送迎不出門見兄弟不踰閭與公俱會齊侯非

禮

○秋八月大雩

無傳過時故書

○冬楚人伐黃

傳十一年春晉侯使以平鄭之亂來告

釋經書在今年

○天王使召武公內史過賜晉侯命

天王周襄王召武公周卿士內史過周大

夫諸侯即位天子賜之命圭為瑞○過平聲

受玉情過歸告王曰晉侯其無後

乎王賜之命而情於受瑞先自弃也已其何繼之
有禮國之幹也敬禮之興也不敬則禮不行禮不
行則上下昏何以長世

為惠公不終張本

○夏揚拒泉臯伊雒之戎同伐京師入王城焚東

門

揚拒泉臯皆戎邑及諸離戎居伊水雒水之間者今伊闕北有泉亭○拒俱字反○今河南河南府洛陽縣西南有前城即泉亭也

王子

帶召之也

王子帶討昭公也名戎欲因以篡位

秦晉伐戎以救周秋晉侯平

戎于王

為二十四年天王出居鄭傳

○黃人不歸楚貢冬楚人伐黃

黃人恃齊故

經十有二年春王三月庚午日有食之

無傳不書朔官失之

○

夏楚人滅黃。○秋七月。○冬十有二月丁丑陳侯

杵臼卒。

無傳遺世子與傳公同盟甯母及洮

傳十二年春諸侯城衛楚邱之郭懼狄難也。

楚邱衛國都郭

郭也為明年春秋侵衛傳

○黃人恃諸侯之睦于齊也不共楚職曰自郢及

我九百里焉能害我夏楚滅黃。

郢楚都共音恭

○王以戎難故討王子帶。

子帶前年召戎伐周

秋王子帶奔齊。

○冬齊侯使管夷吾平戎于王使隰朋平戎于晉。

平和也前年晉救周伐戎故戎與周晉不和

王以六卿之禮饗管仲管仲辭曰。

臣賤有司也有天子之二守國高在

國子高子天子所命為齊守臣皆上卿也

莊二十二年高侯始見經傳二十八年國歸父乃見傳歸父之父曰懿仲高侯之子曰莊子不知今當誰世○守去聲

若節春秋

來承王命何以禮焉

節時也

陪臣敢辭

諸侯之臣曰陪臣

王曰舅

氏

伯舅之使胡曰舅氏

余嘉乃勲應乃懿德謂督不忘往踐乃

職無逆朕命

功勲美德可謂正而不可忘者不言位而言職者管仲位卑而執齊政故欲以職尊之○孔疏應當也督正也言我

善汝功勲當汝美德謂女功德正而不可忘宜受此禮

管仲受下卿之禮而還

管仲不數以職自高卒受

本位之禮

君子曰管氏之世祀也宜哉讓不忘其上詩曰

愷悌君子神所勞矣

詩大雅愷樂也悌易也言樂易君子為神所勞來故世祀也管仲之後於齊沒不復見傳

亦舉其無貽○孔疏世族譜管氏出自周穆王成十一年傳有齊管于奚譜又為雜人則非管仲之子孫也哀十六年傳稱楚白公殺齊管修杜云管修

○夏會于鹹淮夷病杞故且謀王室也○秋爲戎

難故諸侯戍周齊仲孫湫致之

戍守也致諸侯戍卒于周

○冬晉荐饑

麥禾皆不熟荐重也

使乞糴于秦秦伯謂子桑與

諸乎對曰重施而報君將何求

言不損秦○施去聲

重施而不報

其民必攜攜而討焉無衆必敗

不義故民離

謂百里與諸

乎

百里秦大夫

對曰天災流行國家代有救災恤鄰道也

行道有福平鄭之子豹在秦請伐晉

欲爲父報怨

秦伯曰

其君是惡其民何罪秦於是乎輸粟于晉自雍及

絳相繼

雍秦國都絳晉國都○雍去聲今陝西鳳翔府鳳翔縣南七里有古雍城秦德公所居大鄭官城也

命之曰汎

舟之役

從渭水運入河汾

經十有四年春諸侯城緣陵

緣陵杞邑辟淮夷遷都于緣陵。後漢志北海郡有營陵縣薛

璜曰春秋謂之緣陵是也其故城在樂昌縣東南七十里今屬山東青州府

○夏六月季姬及鄆子

遇于防使鄆子來朝

季姬魯女鄆夫人也鄆子本無朝志為季姬所召而來故言使鄆子來朝鄆國今琅邪鄆

縣。鄆似綾反。今山東兗州府嶧縣東有鄆城

○秋八月辛卯沙鹿崩

沙鹿山名平陽元城縣東有沙

鹿土山在晉地災害繫於所災所害故不繫國。沙鹿山在今直隸大名府元城縣東四十五里其西有沙鹿城劉氏敞曰曷為不繫國名山大澤不以

封諸侯守之

○狄侵鄭

無傳

○冬蔡侯肸卒

無傳未同盟而赴以名。肸許乙反

十四年春諸侯城緣陵而遷杞焉不書其人有

闕也

闕謂器用不具城也未固而去為惠不終也澶淵之會既而無歸大夫不書而國別稱人今此總曰諸侯君臣之辭不言城杞杞未遷也。澶市然反

○鄆季姬來寧公怒止之以鄆子之不朝也

來寧不書而後

年書歸鄆更嫁之文也明公絕鄆昏既來朝而還還戶闢反

夏遇于防而使來朝

○秋八月辛卯沙鹿崩晉卜偃曰期年將有大咎

幾亡國

國主山川山崩川竭亡國之徵○期音基

○冬秦饑使乞糴于晉晉人弗與慶鄭曰背施無

親

慶鄭晉大夫○背音佩施去聲

幸災不仁貪愛不祥怒鄰不義四德

皆失何以守國虢射曰皮之不存毛將安傅

虢射惠公舅也

皮以喻所許秦城毛以喻糴言既背秦施為怨以深雖與之糴猶無皮而施毛○射音石傳音附

慶鄭曰弃信背

鄰心孰恤之無信患作失援必斃是則然矣虢射

曰無損於怨而厚於寇不如勿與言與秦粟不足解怨適足使秦強慶鄭曰背施幸災民所弃也近猶讎之况怨敵乎弗聽退曰君其悔是哉

經十有五年春王正月公如齊

無傳諸侯五年再相朝禮也例在文十五年

○

楚人伐徐○三月公會齊侯宋公陳侯衛侯鄭伯

許男曹伯盟于牡邱

牡邱地名闕○今山東東昌府聊城縣東北七十里

遂次于匡

匡衛地在陳留長垣縣西南○長垣縣今屬直隸大名府

公孫敖帥師及諸侯

之大夫救徐

公孫敖慶父之子諸侯既盟次匡皆遣大夫將兵救徐故不復具列國別也

○夏五月

日有食之○秋七月齊師曹師伐厲

厲楚與國義陽隨縣北有厲鄉○今湖廣

德安府隨州北四十里有厲山屬鄉在山下

○八月冬蠲

無傳為災

○九月公至自會

無傳○

季姬歸于鄆

無傳來寧不書此書者以明中絕。蘇氏輟曰鄆子既朝乃使歸之故書曰歸于鄆

○己卯晦

震夷伯之廟

夷伯魯大夫展氏之祖父夷謚伯字震者雷電擊于大夫既卒書字

○冬宋人伐曹

○楚人敗徐于婁林

婁林徐地下邳僮縣東南有臺亭在今江南鳳陽府虹縣東北

○十有

一月壬戌晉侯及秦伯戰于韓獲晉侯

例得大夫曰獲晉侯背施無親

懷諫違卜故貶絕下從眾臣之例而不言以歸不書敗績晉師不大崩○公羊傳何以不言師敗績君獲不言師敗績也劉氏敞曰獲者獲得之也大凡君死其位曰滅生得曰獲犬夫生死皆曰獲此所以異君臣之辭也不限獲于臣也

傳十五年春楚人伐徐徐即諸復故也三月盟于

牡邱尋葵邱之盟且救徐也

葵邱盟在九年

孟穆伯帥師及

諸侯之師救徐諸侯次于匡以待之

○夏五月日有食之不書朔與日官失之也

○秋伐厲以救徐也

○晉侯之入也秦穆姬屬賈君焉

晉侯入在九年穆姬申生姊秦穆夫人賈君晉

獻公次妃賈女也○屬音燭

且曰盡納羣公子

羣公子晉武獻之族宣二年傳曰驪姬之亂誚無畜羣公子

晉侯烝於賈君又不納羣公子是以穆姬怨之晉

侯許賂中大夫

中大夫國內執政里平等

既而皆背之賂秦伯以河

外列城五東盡虢略南及華山內及解梁城既而

不與

河內河南也東盡虢略從河南而東盡虢界也解梁城今河東解縣也華山在弘農華陰縣西南○後漢志陸渾西有虢略地今河南河

南府嵩縣境是也。解音蟹。山西平陽府蒲州臨晉縣東南十八里有解城。華陰縣今屬陝西西安府。

晉饑秦輸之粟。

在十三年

秦饑晉閉之糴。

在十四年

故秦伯伐晉。卜徒父筮之。吉。

徒父秦之

掌龜卜者。卜人而用筮不能通三易之占。故據其所見雜占而言之。○顧氏炎武曰。周禮大卜掌三兆三易三筮之法。是古之筮皆兼掌于卜人也。

涉

河。侯車敗。詰之。

秦伯之軍泓河則晉侯車敗也。秦伯不解謂敗在已。故詰之。

對曰。乃大吉也。

三敗必獲晉君。其卦遇蠱。三三。

巽下艮上蠱

曰。千乘三去。

三去之餘。獲其雄狐。夫狐蠱必其君也。

於周易利涉大川。往有事也。亦

秦勝晉之卦也。今此所言蓋卜筮書雜辭。以狐蠱為君。其義欲以喻晉惠公。其象未聞。○顧氏炎武曰。按邵氏云。去猶算法所謂除也。以三除法除之。每

除三百三十三則三除所剩唯一。非獲其君而何。

蠱之貞。風也。其悔山也。

內卦為貞。外卦為悔。巽為風。秦

山晉象

歲云秋矣。我落其實而取其材。所以克也。

周九月九

之七月孟秋也。艮為山。山有木。今歲已秋。風吹落山木之實。則材為人所取。

實落材亡。不敗何待。三

敗及韓

晉侯車三壞

晉侯謂慶鄭曰。寇深矣。若之何。對曰。

君實深之。可若何。公曰。不孫。卜右。慶鄭吉。弗使。

不孫

不以為車。右此夷吾之多忌。孫音遜。

步揚御戎。家僕徒為右。

步揚卻驪之父

乘小馬。

鄭入也。

鄭所獻馬名小駟

慶鄭曰。古者大事必乘其產。生其

水土。而知其人心。安其教訓。而服習其道。唯所納

之。無不如志。今乘異產。以從戎事。及懼而變。將與

人易。

變易人意

亂氣狡憤。陰血周作。張脉僨興。外彊中乾。

狡戾也。僨動也。氣狡憤於外。則血脉必周身而作。隨氣張動。外雖有彊形。而內實乾竭。張去聲。

進退不可。周旋不

能君必悔之弗聽九月晉侯逆秦師使韓簡視師

韓簡晉大夫
韓萬之孫

復曰師少於我鬪士倍我公曰何故對曰

出因其資

謂奔梁
求秦

入用其寵

為秦
所納

饑食其粟三施而無

報是以來也今又擊之我怠秦奮倍猶未也公曰

一夫不可狃况國乎

狃快也言辟秦則使快來
○施去聲快時世反習也

遂使請戰曰

寡人不佞能合其眾而不能離也君若不還無所

逃命秦伯使公孫枝對曰君之未入寡人懼之入

而未定列猶吾憂也

列位也○一
說師之伍列

苟列定矣敢不承命

韓簡退曰吾幸而得囚

得囚為幸
言必敗

壬戌戰于韓原

九月
十三

日晉戎馬還淳而止

淳泥也還便旋也小脚不調故隋泥中○淳乃定反隋大果反

公號慶鄭

慶鄭曰懷諫違卜

懷戾也○號平聲懷皮逼反

固敗是求又何逃焉

遂去之梁由靡御韓簡號射爲右輅秦伯將止之

輅迎也止獲也

○輅五嫁反

鄭以救公誤之遂失秦伯秦獲晉侯以

歸

經書十一月壬戌十四日經從赴

晉大夫反首拔舍從之

反首亂頭髮下垂也拔草舍止壞形毀服

秦伯使辭焉曰二三子何其感也寡人之從君而

西也亦晉之妖夢是踐豈敢以至

狐突不寐而與神言故謂之妖夢申生言帝許

謂有罪今將晉君而西以獻息此語踐厭也○厭於丹反

晉大夫三拜稽首曰君履后土

而戴皇天皇天后土實聞君之言羣臣敢在下風

穆姬聞晉侯將至以犬子瑩弘與女簡璧登臺而

履薪焉

瑩康公名弘其母弟也簡璧瑩弘姊妹古之官閑者皆居之臺以抗絕之穆姬欲自罪故登臺而荐之以薪左右上下者皆履薪乃

得通○示欲自

焚也薪於耕反使以免服衰經逆且告

免衰經遭喪之服令行人服此服迎秦伯且告

將以恥辱自殺○免音問

曰上天降災使我兩君匪以玉帛相見而

以興戎若晉君朝以入則婢子夕以死夕以入則

朝以死唯君裁之乃舍諸靈臺

在京兆鄠縣周之故臺亦所以抗絕令不得通外內○鄠

音戶鄠縣今屬西安府

大夫請以入公曰獲晉侯以厚歸也既而

喪歸焉用之

若將晉侯入則夫人或自殺

大夫其何有焉

何有猶何得

且晉

人感憂以重我

謂反首拔舍

天地以要我不圖晉憂重其

怒也。我食吾言，背天地也。

食消也。要平聲。

重怒難任，背天

不祥，必歸晉君。

任當也。任音壬。

公子縶曰：「不如殺之，無聚

慝焉。」

公子縶，秦大夫。縶，莫吾歸復相聚為惡。

子桑曰：「歸之而質其犬子，必得

大成。晉未可滅，而殺其君，祇以成惡。」

祇適也。質音質，祇音支。

且史

佚有言曰：「無始禍。」

史佚，周武王時大夫，名佚。

無怙亂，

恃人亂為已利。

無重怒，重

怒難任。陵人不祥，乃許晉平。晉侯使卻乞告瑕呂

鉛甥，且召之。

卻乞，晉大夫也。瑕呂鉛甥，即呂甥也。蓋姓瑕，呂名鉛甥。子子金，晉侯聞秦將許之，平故告呂甥，名使迎已。鉛音

怡。顧氏炎武曰：呂氏也。瑕，其邑名。如成元年，瑕蓋兼食陰瑕二邑，故又曰陰鉛甥。

子金教之言曰：「朝國

人而以君命賞，

恐國人不從，故先賞之於朝。

且告之曰：「孤雖歸，辱社

稷矣其卜貳圉也

貳代也。圉惠公太子懷公。

衆皆哭

哀君不還國。

晉於是乎

作爰田

分公田之稅應入公者。爰之於所賞之衆。○孔疏爰易也。謂舊入公者乃改易與所賞之衆。

呂甥曰君亡

之不恤而羣臣是憂惠之至也將若君何衆曰何

爲而可對曰征繕以輔孺子

征賦也。繕治也。孺子太子圉。○孺如喻反。

諸侯聞

之喪君有君羣臣輯睦甲兵益多好我者勸惡我

者懼庶有益乎

喪夫聲。

衆說晉於是乎作州兵

五黨爲州。州二千五百家。

也因此又使州長各繕甲兵。○孔疏周禮鄉大夫以歲時登其夫家之衆實辨其可任者。州長則否。今以州長管人既少督察易精故使州長治之。陸氏龐其

曰呂甥此時有于忠肅之功然卒不能延惠懷之祚故人臣以格君心之非爲大

初晉獻公筮嫁伯姬於

秦遇歸妹三三

兌下震上歸妹。

之睽三三

兌下離上睽歸妹上六變而爲睽。睽苦圭反。史

蘇占之曰不吉

史蘇晉卜筮之史

其繇曰士刳羊亦無盍也女

承筐亦無貺也

周易歸妹上六爻辭也盍血也貺賜也刳羊士之功承筐女之職上六無應所求不獲故下刳無血上承無

實不吉之象也離為中女震為長男故稱士女○繇音胃刳苦圭反盍音荒

西鄰責言不可償也

將嫁女於

西而遇不吉之卦故知有責讓之言不可報償

歸妹之睽猶無相也

歸妹女嫁之卦睽乖離之象故曰無相相

助也震之離亦離之震

二卦變而氣相通

為雷為火為羸敗姬

姓姬

晉姓震為雷離為火火動熾而害其母女嫁反害其家之象故曰為羸敗姬

車說其輶火焚其旗不

利行師敗于宗邱

輶車下縛也邱猶邑也震為車離為火上六爻在震則無應故車脫輶在離則失位故火焚旗

言皆失車火之用也車敗旗焚故不利行師火還害母故敗不出國近在宗邑○孔疏子夏易傳云輶車下伏兔也今人謂之車履形如伏兔以繩縛于

輶因名縛也說音脫輶音福

歸妹睽孤寇張之弧

此睽上九爻辭也處睽之極故曰睽孤失位孤絕故遇寇

難而有弓矢之

姪其從姑

震為木難為火火從木生難為震妹於火為姑謂我姪者我謂之姑謂子圍質秦

六

年其逋逃歸其國而弃其家

逋亡也家謂子圍婦懷羸

明年其死於

高粱之虛

惠公死之明年文公入殺懷公于高粱高粱晉地在平陽楊氏縣西南凡筮者用周易則其象可推非此而往則臨時占者或

取于象或取于氣或取于時曰王相以成其占若盡附會以爻象則構虛而不經故略言其歸趣他皆放此○虛去魚反○今山西臨汾縣有梁墟王相並去聲

及惠公在秦曰先君若從史蘇之占吾不及此夫

韓簡侍曰龜象也筮數也物生而後有象象而後

有滋滋而後有數先君之敗德及可數乎史蘇是

占勿從何益

言龜以象示筮以數告象數相因而生然後有占占所以知吉凶不能變吉凶故先君敗德非筮數所生雖復不從史蘇

不能益禍○孔疏凡足動植飛走之物物既生訖而後有其形象既為形象而後滋多滋多而後始有頭數又曰韓簡之意以為惠公及禍自由先君獻公廢

嫡立庶之敗德不由卜筮故云先君之敗德既定致公今及此禍可由筮數始生之乎按䷗及字絕句一說可數之數應上聲讀言先君敗德及今不可悉數也亦通

詩曰下民之孽匪降自天傳沓背憎職競由人所主作因以謳諫惠公有以召此禍也○傳尊本反沓徒合反

○震夷伯之廟罪之也於是展氏有隱慝焉隱慝非法所得

尊貴罪所不加是以聖人因天地之變自然之妖以感動之知達之主則識先聖之情以自厲中下之主亦信妖祥以不安神道助教唯此為深○知首智○劉氏敞曰左氏云展氏有隱慝如此則夷為展氏之謚非也春秋國史也君前臣名縱不可名之猶當繫字于氏寧有稱其謚達言其族哉

○冬宋人伐曹討舊怨也莊十四年曹與諸侯伐宋

○楚敗徐于婁林徐恃救也恃齊救

○十月晉陰飴甥會秦伯盟于王城陰飴甥即呂甥也食采於陰故曰陰飴甥

王城秦地馮翊臨晉縣東有王城今名武鄉。今平陽府霍州有呂鄉有陰地村。王城在西安府朝邑縣東。

秦伯曰晉國

和乎對曰不和小人恥失其君而悼喪其親

痛其親為秦所

殺。喪去聲。

不憚征繕以立圉也曰必報讎寧事戎狄君

子愛其君而知其罪不憚征繕以待秦命曰必報

德有死無二以此不和秦伯曰國謂君何對曰小

人感謂之不免君子恕以為必歸小人曰我毒秦

秦豈歸君

毒謂三施不報

君子曰我知罪矣秦必歸君貳而

執之服而舍之德莫厚焉刑莫威焉服者懷德貳

者畏刑此一役也

言還惠公使諸侯威服復可當一事之功。服氏虔曰一役者謂韓戰之役。

秦可

以霸納而不定廢而不立以德爲怨秦不其然秦

伯曰是吾心也改館晉侯饋七牢焉牛羊豕各一爲一牢蛾析謂

慶鄭曰盍行乎蛾析晉大夫也對曰陷君於敗謂呼不往誤晉師失秦伯

敗而不死又使失刑非人臣也臣而不臣行將焉

入十一月晉侯歸丁丑殺慶鄭而後入丁丑月二十九日是歲

晉又饑秦伯又餽之粟餽許氣反曰吾怨其君而矜其

民且吾聞唐叔之封也箕子曰其後必大晉其庸

可冀乎唐叔晉始封之君武王之子箕子殷王帝乙之子紂之庶兄孔疏鄭玄王肅皆以箕子爲紂之諸父姑樹德焉

以待能者於是秦始征晉河東置官司焉征賦也

春秋左傳杜注卷第五